

Գ. Մ. ԳԵՂԱՄՅԱՆ, Սոցիալ-տնտեսական փոփոխությունները Հայաստանում և էպի տարիներին (1921—1936), ՀՍՍՀ ԳԱ հրատարակչություն, Երևան, 1978, 305 էջ:

Հայաստանում նէպի շրջանի պատմության հարցերը քանիցս եղել են մեր պատմաբանների ուշադրության կենտրոնում: Չնայած առկա են մի շարք ուսումնասիրություններ, Գ. Գեղամյանի մենագրությունը նոր խոսք է խնդրո առարկա պրոբլեմի ուսումնասիրության բնագավառում, խոսք, որը հեղինակն ասել է բաղմապլանային հետազոտության հիման վրա, հարցի քննական մոտեցմամբ:

Աշխատության ներածականում հեղինակն ուղղակիորեն գրում է, որ իր նպատակն է «հետազոտել Հայաստանում նէպի կենսագործմամբ սոցիալիզմի կառուցման պատմությունը, ցույց տալ նրա ընդհանուր օրինաչափություններն ու տեղական առանձնահատկությունները, գտնելով, որ այն իր քաղաքական-դաստիարակական նշանակությունից բացի, օգտակար կլինի այդ պրոբլեմով հետազոտում զբաղվողների համար» (էջ 22): Առաջ անցնելով ասենք, որ հեղինակն իր առջև դրված խնդիրը հաջողությամբ է լուծել:

Բավական չէ, որ պատմաբանն ընդունի սոցիալիզմի կառուցման գործում օբյեկտիվ օրինաչափությունների համընդհանրությունը և առանձնահատկությունների անխուսափելի լինելը: Այս ճշմարիտ դրույթը հաստատում կստանա միայն մի դեպքում, երբ օրինաչափն ու առանձնահատկը կքննարկվեն փոխադարձ կապի ու պայմանավորվածության մեջ: Այսպես էլ վարվում է Գ. Գեղամյանը, ցույց տալով, որ նէպի տարիներին Հայաստանում սոցիալիզմի կառուցման պրակտիկայում ի հայտ են եկել տեղական առանձնահատկություններ: Սակայն այդ առանձնահատկությունները, որպես մասնավորություններ, կուսակցության հմուտ քաղաքականության շնորհիվ ճիշտ կիրառում են ստացել միասնական ինտերնացիոնալ խնդրի լուծմամբ:

Ուշադրության է արժանի նէպի պերիոդիզացիայի հարցը, որը ռազմական կոմունիզմի քաղաքականությունից մեկուսացված հարց չէ: Ահա թե ինչու հեղինակը խնդիրը քննարկում է այդ երկու քաղաքականության համադրման եղանակով, փոխադարձ կապի ու պայմանավորվածության մեջ, Միության մասշտաբով ընդհանրապես, Հայաստանի առումով՝ մասնավորապես: Հարձակում և նահանջ, ռազմական կոմունիզմի քաղաքականություն և նէպի քաղաքականություն: Հեղինակը ցույց է տալիս, որ միմյանց հակադիր այս երկու քաղաքականությամբ կուսակցությունն ըստ էության նույն նպատակն է հետապնդել՝ բանվորագյուղացիական դաշինքի ամրապնդման նպատակը: Այս առումով և միայն այս առումով է հեղինակը գրում, որ սպառնալից քաղաքականության թախաներն ուղղելուն և երկիրը ճգնաժամային վիճակից դուրս բերելուն ուղղված քաղաքականությունը նահանջ համարելը ճիշտ չէ» (էջ 11): Ինչ խոսք, հեղինակը նէպի երկակի բնույթը, նահանջ և հարձակում, մեխանիկորեն միմյանցից չի անջատում, այլ քննում է փոխադարձ կապի ու պայմանավորվածության մեջ: Կապիտալիստական տարրերին զիջումներ անելու և նրանց զարգացումը սահմանափակելու շրջանը ներկայացվում է որպես սոցիալիզմի ամբողջ ճակատով հարձակման համար պոտենցիալ ուժերի կուտակման շրջան: Եվ պատահական չէ, որ հեղինակը նէպի կենսագործումը մեր երկրում բաժանում է երկու փուլի. նահանջի և ուժերի վերախմբավորման շրջան (1921—1929 թթ.) և ամբողջ ճակատով հարձակման շրջան (1930—1936 թթ.): «Այսպիսի բաժանումը, — իրավացիորեն նշում է հեղինակը, — ...հնարավորություն է տալիս նէպը դիտելու իր զարգացման ու փոփոխման պրոցեսում, որը շատ կարևոր է գիտական ուսումնասիրության համար» (էջ 12):

Անդրադառնալով Հայաստանում ռազմական կոմունիզմից նոր տնտեսական քաղաքականության անցնելու պատմության շարադրմանը, հեղինակը ցույց է տալիս, որ ռազմական կոմունիզմի քաղաքականությունը Հայաստանում կիրառվել է շուրջ չորս ամիս՝

1920 թ. դեկտեմբերից մինչև 1921 թ. ապրիլը կիրառվել է առանց պատմական կոնկրետ պայմանների, երկրի առանձնահատկությունները հաշվի առնելու Ռազմական կոմիտեի դիմի քաղաքականության կիրառումը Հայաստանում առանց տեղական առանձնահատկությունները հաշվի առնելու, պարզ է, որ պետք է դրսևորեր իր բացասական կողմերը, Հեղինակը Հայաստանի օրինակով մեկ անգամ ևս րացաճախել է այն հայտնի ճշմարտությունը, որ ռազմական կոմունիզմի քաղաքականությունն անցողիկ, պատմական որոշակի պայմաններից բխող քաղաքականություն է, և որ պարտադիր չէ այն կիրառել բոլոր երկրներում, որոնք թեև կոչվում են կապիտալիզմից սոցիալիզմին անցնելու փուլը (էջ 27), Հեղինակը չի ժխտում ռազմական կոմունիզմի քաղաքականության կիրառման անհրաժեշտությունը Հայաստանում, սակայն նա դատում է, որ «բռնագրավումների քաղաքականությունը պետք է կիրառվեր միայն կոլակալին տնտեսությունների, վաշխառուների և սպեկուլյանտների նկատմամբ» (էջ 37), այսինքն՝ պետք է դրսևորվեր դասակարգային խիստ մոտեցում:

9. Գեղամյանն աշխատության մեջ պատշաճ տեղ է հատկացնում Հայաստանի սոցիալ-տնտեսական վիճակից, պատմական կոնկրետ պայմաններից բխող առանձնահատկությունների վերլուծությանը, հոսանքով ռազմական կոմունիզմի քաղաքականությունից նոր տնտեսական քաղաքականության անցնելու պատմական անհրաժեշտության մասին, հեղինակը չի սահմանափակվել ընդհանուր դրույթների շարադրմամբ: Մեթոդոլոգիական ճիշտ դիրքերից ելնելով, նա ընդհանուր օրինաչափությունների մեջ է քննում մասնավորը, առանձնահատուկը: ՔԱՄՆԱԿԱՐԳԸ ճանապարհով սոցիալիզմ կառուցելու, «ճակատային գրոհի» քաղաքականությունն արդեն սպառել էր իրեն և օբյեկտիվորեն սկսել էր խանգարել սոցիալիստական շինարարության առաջընթացին» (էջ 38): Այդ առաջընթացը չկասեցնելու համար, շարունակում է զարգացնել իր միտքը հեղինակը, նշելով կիրառման առաջին շրջանում անհրաժեշտ էր մեր երկրում սոցիալիստական շինարարությունը տանել ոչ թե կապիտալիզմի մնացորդների վերացման, այլ աշխուժացման, մանր արտադրության ոչ թե վերակադուցման, այլ ռազմակոլումների զարգացման միջոցով (էջ 41): Եվ այնուհետև հեղինակը փաստական խոսուկն նյութերի խոր ու համոզիչ վերլուծությամբ ապացուցում է, որ նշվող Հայաստանի համար առավել քան միակ հնարավոր քաղաքականությունն էր հանրապետության սոցիալիստական շինարարության գործում:

Անդրադառնալով սոցիալ-տնտեսական այս կամ այն բնագավառի փոփոխությունների հարցին, հեղինակը նախ և առաջ բացահայտում է այդ փոփոխությունների առանձնահատուկ կողմերը, որը ինչ խոսք, բարձրացնում է աշխատության գիտական արժեքը, Հայտնի է, օրինակ, որ Միության առումով 1921—1925 թթ. եղել են ժողովրդական տնտեսության վերականգնման տարիներ: Հեղինակը ցույց է տալիս, որ Հայաստանում տնտեսության վերականգնման ու վերակառուցման աշխատանքները ավելի քան միահյուսված են եղել, Խնայես ամենուր, այնպես էլ Հայաստանում վերականգնումը սկսվել է գյուղատնտեսությունից, սակայն առանց ագրարային հարցի լուծման գյուղատնտեսության վերականգնման մասին խոսք լինել չէր կարող: Ագրարային հարցն էր այն պլանավոր օղակը, որից բռնելով կարելի էր ինքնին ձգել ողջ շղթան ու ապագան երկրի քայքայված գյուղատնտեսությունը: Խնդրի լուծումն ամենուր պարտադիր էր, սակայն տեղական առանձնահատկություններից ելնելով՝ եղանակները տարբեր: Այսպես, վկայակոչելով Վ. Ի. Լենինին, հեղինակը գրում է. «Եթե ռուսական գյուղը... 1921 թ. գարնանը համահարթվել և հիմնականում միշակացել էր, ապա հայկական գյուղը... տառապում էր համատարած աղքատության մեջ...: Եթե Ռուսաստանում նշվին անցնելու նախօրյակին հիմնականում ագրարային հեղափոխությունը ավարտվել էր, ապա Հայաստանում այն միաժամանակ պիտի կատարվեր» (էջ 51): Պարզ չէ, որ ագրարային հարցի այս առանձնահատկությունը իր կնիքը պետք է դնե գյուղատնտեսության վերականգնման հարցին առնչվող բոլոր խնդիրների լուծման վրա: Եվ ինչու՞ միայն գյուղատնտեսության. նա իր կնիքն էր դնում նաև գյուղի դասակարգային շերտավորման պրոցեսի ու պայքարի վրա, երևան բերելով առանձնահատկությունների նորանոր դրսևորումներ: Այս ամենը իրենց համակողմանի լուսաբանումն են ստացել գրախոսվող աշխատության համապատասխան բաժիններում:

Այնուհետև, գյուղատնտեսության բնագավառում ծայր առած առանձնահատկությունների այս շղթան չէր կարող լթափառել նաև ինդուստրացման բնագավառը: «Սովետական Հայաստանի ինդուստրացման հիմնական, կարևոր առանձնահատկություններից մեկը այն էր...», — նշում է հեղինակը, — որ լինելով գերազանցապես գյուղատնտեսական երկիր, նրա արդյունաբերությունը չնչին տեսակարար կշիռ ուներ, և եղածը չէր կարող ելակետ ծառայել նրա զարգացման համար: Այդ իսկ պատճառով սովետական հանրապետությունների եղբայրական օգ-

նությունը... որը բխում էր լենինյան աղաքականությունից, մեր հանրապետության տնտեսական և սոցիալիստական դարգաժման անհրաժեշտ պայմաններից մեկն էր (էջ 78)։ Այս տեսանկյունից է հեղինակը քննում ու լուսաբանում Հայաստանի ինդուստրացման պատմությունը։ Բերված իրողությունները բավարար են ցույց տալու համար, որ հեղինակը Հայաստանում նէպի տարիներին անդի ունեցած սոցիալ-տնտեսական փոփոխությունների պատմության քննությունը չի սահմանափակել սոսկ ընդհանուր դրույթներով։

Նլնելով լենինյան դրույթներից, նա փորձել է վեր հանել թե՛ տեղական տարբերությունները, թե՛ տնտեսական կացութաձևի առանձնահատկությունները, թե՛ կենցաղային ձևերը, թե՛ բնակչության պատրաստականության աստիճանը, թե՛ այս կամ այն պլանն իրականացնելու փորձերը, որպեսզի այս բոլորը արտացոլվի Հայաստանում սոցիալիզմի ուղու առանձնահատկության մեջ։

Աշխատությունը դիտական առումով շահեկան է նաև մեկ այլ տեսանկյունից։ Պատմության առաջընթացի բայեկտիվ շարագրմամբ հեղինակին հաջողվել է բացահայտել Կովկասի կոմունիստ ընկերներին Վ. Ի. Լենինի գրած ծրագրային նամակի բովանդակության հեռահար իմաստը, առաջադրված դրույթների խոր դիտականությունը։ «Ավելի դանդաղ, ավելի զգուշ, ավելի սխտեմատիկ անցում դեպի սոցիալիզմ... Ահա թե ինչ է հարկավոր հասկանալ և կարողանալ իրականացնել ի տարբերություն մեր տակտիկայից»¹, ահա Կովկասի կոմունիստ ընկերներին Վ. Ի. Լենինի տված տակտիկական զխավոր խորհուրդը։ Հեղինակը իր առջև դնելով նէպի տարիներին Հայաստանում սոցիալ-տնտեսական փոփոխությունների բազմապլանային խնդրի լուսաբանումը, դրանով իսկ լուսաբանել է Վ. Ի. Լենինի ծրագրային նամակում առաջադրված դրույթների նյութականացման պատմությունը։ Հեղինակը չի լքում ազարդել սոցիալիզմի կառուցման պատմությունը Հայաստանում. այն շարագրված է նվաճումների ու բացթողումների, լուսի ու ստվերի համագրման եղանակով։ Ի դեպ, հեղինակը պատմության լույսն ու ստվերը, նվաճումներն ու բացթողումները մեխանիկորեն միմյանցից չի անջատել, այլ բացահայտել է թե՛ մեկի և թե՛ մյուսի երևան գալու օբյեկտիվ ու սուբյեկտիվ պատճառները։ Զի ստացվել այնպես, որ Հայաստանում սոցիալիզմի կառուցման գործում ի հայտ եկած թերություններն առանձնահատկությունների արդյունք էին, իսկ նվաճումները՝ սոցիալիզմի կառուցման օբյեկտիվ օրինաչափությունների դրսևորում։ Ո՛ր, հեղինակն առանձնահատուկի և օրինաչափի միջև դերերի նման մեխանիկական բաշխում չի կատարում։ Նա հարցը քննում է կապակցության մեջ, ցույց տալով, որ այս կամ այն խնդրի լուծման գործում առանձնահատկությունների ճիշտ հաշվառումը նպաստել է սոցիալիզմի կառուցման գործին, իսկ անտեսումը՝ խոչընդոտել։

Հայաստանում սոցիալիզմի կառուցման զխավոր օղակների՝ ինդուստրացման, կոլեկտիվացման, կուլտուրական հեղափոխության, ինչպես նաև այդ ամենի հիմքի վրա տեղի ունեցած դասակարգային տեղաշարժերի ու սոցիալ-տնտեսական այլևայլ վերափոխությունների դիֆերենցված պատմության լուսաբանման հարցերով զբաղվել են հանրապետության տարբեր պատմաբաններ։ Գրախոսվող մենագրության հեղինակը այդ ամենից ծաղկաքաղ չի անում գումարելիների պարզ գումարը ստանալու համար։ Նա փորձում է բացահայտել սոցիալիզմի կառուցման բոլոր օղակների միջև եղած անքակտելի կապը, սոցիալիզմի կառուցման գործում նոր տնտեսական քաղաքականության խաղացած դերը։

Մի քանի վրիպումների մասին։ Աշխատության 37-րդ էջում հեղինակը գրում է. «...հիմնավորված չի կարելի համարել պատմական գրականության մեջ իշխող այն տեսակետը, թե ռազմական կոմունիզմի ժաղաքականության կիրառումով էր, որ Հայաստանում ապահովվեց սովետական կարգերի գոյությունը, նրա ամրապնդումն ու հետագա զարգացումը։ Սովետական սոցիալիստական հասարակարգի հաղթանակը, — շարունակում է զարգացնել իր միտքը հեղինակը, — նրա ամրապնդումն ու հետագա զարգացումը մեզ մոտ ապահովվեցին աշխատավորության հերոսական պայքարի և, առաջին հերթին, Սովետական Ռուսաստանի ռազմական ու նյութական օգնության շնորհիվ»։ Միտքը վիճելու տեղիք չի տալիս, սակայն հեղինակը Հայաստանում սոցիալիզմի կառուցման գործում վճռական նշանակություն ունեցող այդ գործոնների կողքին պետք է դնել նաև մեկ ուրիշը՝ կուսակցության ղեկավար դերի նշանակությունը։

Մի դիտողություն ևս։ Հեղինակը իր աշխատության 184-րդ էջում գրում է. «որքան երկիրը գյուղատնտեսական է, այնքան ավելի մեծ ու անզնաճատելի է ... բանվոր դասակարգի դերն ու նշանակությունը հասարակության սոցիալիստական վերափոխման գործում»։ Մեր կարծիքով

¹ Վ. Ի. Լենին, Երկեր, հ. 32, էջ 404։

անկախ այն բանից երկիրը ինդուստրիալ առումով զարգացած է թե ոչ, հասարակության սոցիալիստական վերակառուցման գործում բանվոր դասակարգի դերը ոչ մի շափով չի նվազում. նա ամենուրեք մեծ է ու անգնահատելի: Աշխատության նույն էջում հեղինակը խոսելով գյուղատնտեսության վերականգնման, աշխատավորության նվազագույն պահանջմունքների բավարարման, բանվորագյուղացիական դաշինքի ամրապնդման գործում նէպի կարևորագույն դերի մասին, միաժամանակ նշում է, որ «նէպը... սոցիալիստական արդյունաբերության զարգացման և կապիտալիստական շրջապատում, մեկ առանձին երկրում սոցիալիստական հասարակարգ կառուցելու հիմնական նախապայմանն էր»: Ինչ խոսք, դժվար է գերազնահատել նոր տնտեսական քաղաքականության գերը սոցիալիզմի կառուցման գործում մեկ առանձին երկրում վերցրած: Սակայն հեղինակի նման ձևակերպումը ընթերցողների մոտ կարող է ստեղծել այն թյուր կարծիքը, որ նէպը պիտանի է միայն կապիտալիստական շրջապատման մեջ գտնվող մեկ առանձին երկրի համար, քայքայ ոչ նաև այն երկրների համար, որոնք միայնակ չեն կապիտալիստական շրջապատման մեջ և ստանում են սոցիալիզմի հզոր լազերի տնտեսական, քաղաքական, անհրաժեշտության դեպքում նաև՝ ռազմական աջակցությունը:

Նման օրինակները, որոնց թիվը կարելի է ավելացնել, բնավ չեն կարող ստվեր դնել աշխատության վրա, նսեմացնել նրա գիտական արժեքը: Այդ օրինակները, որպես մասնավոր վրիպումներ, ուղղակի անհամերաշխ են աշխատության կուռ տրամաբանության ու կառուցվածքի հետ:

ԱԼԲԵՐՏ ՄԿՐՏՉՅԱՆ

Պատմական գիտությունների թեկնածու

Թ. Խ. ՀԱԿՈՅԱՆ, Երևանի զարգացումը Արևելյան Հայաստանը Ռուսաստանին միանալուց հետո, փաստաթղթերի ժողովածու, Երևանի համալսարանի հրատարակչություն, Երևան, 1978, 491 էջ:

Երևանի պատմությունը լուսաբանվել է առանձին մենագրություններում և ավելի հանգամանորեն ու գիտականորեն վեր է հանվել հենց իր՝ բազմավաստակ պատմաբան Թ. Հակոբյանի, հեղատորանոց ծավալուն աշխատության մեջ: Սակայն քաղաքի պատմության փաստաթղթերն ու վավերագրերը, ինչպես իրավացիորեն նշում է հեղինակը, ամբողջական ձևով առայսօր չեն հրապարակվել: Ներկա ժողովածուով Թ. Հակոբյանն առաջին քայլն է կատարում այդ բացը վերացնելու ուղղությամբ: Նա ժողովածուում զետեղել է համարյա բացառապես արխիվային շրջապարակված կարևորագույն փաստաթղթեր: Այդ նյութերը նա հավաքել է Մոսկվայի, Լենինգրադի, Բեռլինի, Երևանի պետական կենտրոնական պատմական արխիվներից, ՍՍՀՄ ռազմապատմական պետական կենտրոնական արխիվից, ինչպես նաև Երևանի Մետրոպոլիտանի անվան Մատենադարանից ու Հայաստանի պատմության թանգարանից:

Հեղինակը, ինչպես և պետք էր սպասել, ժողովածուում տեղավորել է բազմաքանակ նյութերից միայն այն փաստաթղթերն ու վավերագրերը, որոնք ավելի արժանահավատ են և ավելի ամբողջական լույս են սփռում այս կամ այն հարցի վրա: Այդ նյութերը նա դասավորել է ըստ թեմատիկայի և ժամանակադրական կարգով, ամփոփելով քաղաքի քաղաքական պատմության, վարչական վիճակի, տնտեսական ու հասարակական կյանքի, սոցիալական և ազատագրական-հեղափոխական շարժումների, մշակութային կյանքի և այլ բաժիններում: Հեղինակը պահպանել է փաստաթղթերի ու վավերագրերի բնագրային լեզուն, իսկ ծանոթագրությունները տվել է բուն տեքստում, առնելով դրանք փակագծերի մեջ:

Թ. Հակոբյանի կազմած ներկա ժողովածուն մի հիմնական նպատակ ունի՝ յուրյց տալ Երևանի զարգացումը Արևելյան Հայաստանի՝ Ռուսաստանին միացումից մինչև Հոկտեմբերյան սոցիալիստական մեծ հեղափոխությունն ընկած ժամանակամիջոցում: Ասենք անմիջապես, որ նա հասել է իր նպատակին: Հեղինակի հրապարակած նյութերը պատմում են այն փորձերի մասին, որոնք ձեռնարկում էին ռուսական զինվորական իշխանությունները Երևանը զրավելու ուղղությամբ: Նրանք ցույց են տալիս, թե ինչպիսի հերոսությամբ էին կռվում ռուս զինվորները և ինչպիսի արիությանը էին օգնում նրանց հայերը: Փաստաթղթերը մերկացնում են արևմտաեվրոպական երկրների հակառուսական գործունեությունը Պարսկաստանում և Արևել-